

茶诗100首

1.
三献蓬莱始一尝，日调金鼎阅芳香。贮之玉合才半饼，寄与阿连题数行。
——卢纶《新茶咏寄上西川相公二十三舅大夫二十二舅》
2.
西山烟火一千三，万树茶林绕翠岚。绿叶成阴方摘取，旗枪无分忆江南。
——顾昌《西山茶》
3.
布谷声声唤插秧，映山红夹蕙兰芳。小姑采茶下山去，携赠东邻新嫁娘。
——陈燕兰《咏茶诗》
4.
苍苔绿树野人家，手卷炉薰意自嘉。莫道客来无供设，一杯阳羨雨前茶。
——文征明《闲兴》
5.
客来正月九，庭进鹅黄柳。对坐细论文，烹茶香胜酒。——陈志岁《客来》
- 6.静夜不眠因酒渴，沉烟重拨索烹茶。——曹雪芹《秋夜即事》
7.
乱飘僧舍茶烟湿，密洒歌楼酒力微。江上晚来堪画处，渔人披得一蓑归。
——郑谷《雪中偶题》
8.
紫芽连白蕊，初向岭头生。自看家人摘，寻常触露行。——张籍《和韦

开州盛山茶岭》

9.一杯永日醒双眼，草木英华信有神。——曾巩《尝新茶》

10.

粉细越笋芽，野煎寒溪滨。恐乖灵草性，触事皆手亲。敲石取鲜火，撒泉避腥鳞。荧荧爨风铛，拾得坠巢薪。洁色既爽别，浮氲亦殷勤。以兹委曲静，求得正味真。宛如摘山时，自歎指下春。湘瓷泛轻花，涤尽昏渴神。此游惬醒趣，可以话高人。——刘言史《与孟郊洛北野泉上煎茶》

11.

葵倾芹献亦真诚，蒙顶仙茶得气深。飞辔上呈三百叶，清芳仰见圣人心。——闵钧《贡茶》

12.

交易年年马与茶，利夷还复利中华。岂知圣主包容量，不为葡萄入汉家。——闵钧《市茶》

13.

江湖便是老生涯，佳处何妨且泊家。自汲淞江桥下水，垂虹亭上试新茶。——杨万里《舟泊吴江》

14.

谁念西风独自凉，萧萧黄叶闭疏窗，沉思往事立残阳。被酒莫惊春睡重，赌书消得泼茶香，当时只道是寻常。——纳兰性德《浣溪沙·谁念西风独自凉》

15.

南州溽暑醉如酒，隐几熟眠开北牖。日午独觉无余声，山童隔竹敲茶臼。——柳宗元《夏昼偶作》

16.

门茶时节卖花忙，只选头多与干长。花价渐增茶渐减，南风十日满帘香

。——钱希言《门茶时节》

17.今日鬢丝禅榻畔，茶烟轻飏落花风。——杜牧《题禅院》

18.

味浓香永。醉乡路，成佳境。恰如灯下故人，万里归来对影。口不能言，心下快活自省。——黄庭坚《品令·咏茶》

19.

茶，香叶，嫩芽。慕诗客，爱僧家。碾雕白玉，罗织红纱。铤煎黄蕊色，碗转曲尘花。夜后邀陪明月，晨前独对朝霞。洗尽古今人不倦，将知醉后岂堪夸。——元稹《茶》

20.

雨前虽好但嫌新，火气难除莫近唇。藏得深红三倍价，家家卖弄隔年陈。——周亮工《闽茶曲十首》

21.芳茶冠六清，溢味播九区。——张载《登成都白菟楼诗》

22.

狮峰龙井产名茶，生产小队一百家。开辟斜坡四百亩，年年收入有增加。——朱德《看西湖茶区》

23.

忆昔来时双髻小，如今云鬓堆鸦。绿窗冉冉度年华。秋波娇滯酒，春笋惯分茶。居士近来心绪懒，不堪老眼看花。画堂明月隔天涯。春风吹柳絮，知是落谁家。——史浩《临江仙》

24.

借得名山避世哗，群贤毕至学仙家。出门总是逐风景，无日能忘餐晚霞。漫步随吟今古句，高谈且饮云雾茶。林中夜夜闻丝竹，弥撒堂尖北斗斜。——李锐《庐山吟》

25.

武夷春暖月初圆，采摘新芽献地仙；飞鹤印成香蜡片，啼猿溪走木兰船。
金槽和碾沉香末，冰碗轻涵翠缕烟；分赠恩深知最异，晚铛宜煮北山泉。
——徐寅《尚书惠蜡面茶》

26.

乳窦泫泫通石脉，绿尘愁草春江色。涧花入井水味香，山月当人松影直。
仙翁白扇霜鸟翎，拂坛夜读黄庭经。疏香皓齿有余味，更觉鹤心通杳冥。
——温庭筠《西陵道士茶歌》

27.

买得青山只种茶，峰前峰后摘春芽。烹煎已得前人法，蟹眼松风娱自嘉。
——唐寅《题品茶图》

28.

湖山胜处放翁家，槐柳阴中野径斜。水满有时观下鹭，草深无处不鸣蛙。
箴龙已过头番笋，木笔犹开第一花。叹息老来交旧尽，睡来谁共午瓯茶。
——陆游《幽居初夏》

29.

一局输赢料不真，香销茶尽尚逡巡。欲知目下兴衰兆，须问旁观冷眼人。
——曹雪芹《回头诗》

30.

闲将茶课话山家，种得新株待茁芽。为要栽培根祇固，故园锄破古烟霞。
——闵钧《种茶》

31.

池边木笔花新吐，窗外芭蕉叶未齐。正是欲书三五偈，煮茶香过竹林西。
——释得祥《题诗经室》

32.

一碗喉吻润，两碗破孤闷。三碗搜枯肠，唯有文字五千卷。四碗发轻汗，
平生不平事，尽向毛孔散。五碗肌骨清，六碗通仙灵。七碗吃不得也，
唯觉两腋习习清风生。蓬莱山，在何处？玉川子，乘此清风欲归去。

——卢仝《走笔谢孟谏议寄新茶》

33.俗人多泛酒，谁解助茶香。——皎然《九日与陆处士饮茶》

34.

云鬓枕落困春泥，玉郎为碾瑟瑟尘。闲教鹦鹉啄窗响，和娇扶起浓睡人。银瓶贮泉水一掬，松雨声来乳花熟。朱唇啜破绿云时，咽入香喉爽红玉。明眸渐开横秋水，手拨丝簧醉心起。台时却坐推金箏，不语思量梦中事。——崔珣《美人尝茶行》

35.

仙山灵雨湿行云，洗遍香肌粉末匀。明月来投玉川子，清风吹破武林春。要知玉雪心肠好，不是膏油首面新。戏作小诗君一笑，从来佳茗似佳人。——苏轼《次韵曹辅寄壑源试焙新芽》

36.

斗余味兮轻醍醐，斗余香兮薄兰芷。——范仲淹《和章岷从事斗茶歌》

37.活水还需活火烹，自临钓石取深清。——苏轼《汲江煎茶》

38.

小鼎煎茶面曲池，白须道士竹间棋。何人书破蒲葵扇，记著南塘移树时。——李商隐《即目》

39.

岳寺春深睡起时，虎跑泉畔思迟迟。蜀茶倩个云僧碾，自拾枯松三四枝。——成彦雄《煎茶》

40.

滋云蓄雾玉泉液，嫩芽初出含清真。寒食清明都过了，采焙谷雨趁芳辰。——严用光《惠明寺茶歌》

41.

蒙蒙漠漠更霏霏，淡抹银屏幂讲帷。石鼎火红诗咏后，竹炉汤沸客来时

。雪飘僧舍衣初湿，花落艸船鬓已丝。惟有庭前双白鹤，翩然趋避独先知。——瞿佑《茶烟》

42.

茗碗难加酒碗醇，暂时扶起藉糟人。何须忍垢不濯足，苦学梁州阴子春。——黄庭坚《戏答荆州王充道烹茶》

43.

雁顶新茶味更清，仙人采下白云英；直须七碗通灵后，自习清风两腋生。——朱谏《寄茶与万学使》

44.

流华净肌骨，疏瀹涤心原。素瓷传静夜，芳气清闲轩。——颜真卿《月夜啜茶联句》

45.

春未老，风细柳斜斜。试上超然台上看，半壕春水一城花。烟雨暗千家。寒食后，酒醒却咨嗟。休对故人思故国，且将新火试新茶。诗酒趁年华。——苏轼《望江南·超然台作》

46.琴里知闻唯淥水，茶中故旧是蒙山。——白居易《琴茶》

47.

曲院春风啜茗天，竹炉揽炭手亲煎。小砂壶淥新鷓咀，来试湖山处女泉。——丘逢甲《潮州春思》

48.

春风修禊忆江南，酒榼茶垆共一担。寻向人家好花处，不通名姓即停骖。——唐寅《题画》

49.

活水还须活火烹，自临钓石取深清。大瓢贮月归春瓮，小杓分江入夜瓶。雪乳已翻煎处脚，松风忽作泻时声。枯肠未晚禁三碗，生听荒城长短更。——苏轼《汲江煎茶》

50.

征西府里日西斜，独试新炉自煮茶。篱菊尽来低覆水，塞鸿飞去远连霞。寂寥小雪闲中过，斑驳轻霜鬓上加。算得流年无奈处，莫将诗句祝苍华。——徐铉《和萧郎中小雪日作》

51.

竹窗西日晚来明，桂子香中鹤梦清。待立小童闲不动，萧萧石鼎煮茶声。——马臻《竹窗》

52.

天上飞琼，毕竟向、人间情薄。还又跨、玉龙归去，万花摇落。云破林梢添远岫，月临屋角分层阁。记少年、骏马走韩卢，掀东郭。吟冻雁，嘲饥鹊。人已老，欢犹昨。对琼瑶满地，与君酬酢。最爱霏霏迷远近，却收扰扰还寥廓。待羔儿、酒罢又烹茶，扬州鹤。——辛弃疾《满江红·和范先之雪》

53.

亢亢寄形群动内，陶陶任性一生间。自抛官后春多醉，不读书茶来老更闲。琴里知闻唯“淥水”，茶中故旧是蒙山。穷通行止长相伴，谁道吾今无往还。——白居易《琴茶》

54.

更无天堑能防越，何处桃源可避秦？只愿涛平风定日，扁舟重品碧螺春。——田汉《碧螺春》

55.

茶店初开色粲陈，试来茗碗一番新。日长犹是寻常味，金柱应教映帝闱。——静亭《茶叶店》

56.

共有春山兴，幽寻此日同。谈诗访灵彻，入社愧陶公。竹暗闲房雨，茶香别院风。谁知尘境外，路与白云通。——戴叔伦《与友人过山寺》

57.

嫩芽香且灵，吾谓草中英。夜臼和烟捣，寒炉对雪烹。惟忧碧粉散，常见绿花生。最是堪珍重，能令睡思清。——郑邀《茶诗》

58.

二月山家谷雨天，半坡芳茗露华鲜。春醒病酒兼消渴，惜取新芽旋摘煎。——陆希声《茗坡》

59.

洁性不可污，为饮涤凡尘。此物信灵味，本自出山原。——韦应物《喜园中茶生》

60.

食罢一觉睡，起来两瓯茶。举头望日影，已复西南斜。——白居易《食后》

61.

落日数声啼鸟，香风满路吹花。道人邀我煮新茶。荡涤胸中潇洒。世事不堪回首，梦魂犹绕天涯。凤停桥畔即吾家，管甚月明今夜。——吕岩《西江月》

62.

山村处处采新茶，一道春流绕几家。石径行来微有迹，不知满路是松花。——吴兆《暮春偶过山家》

63.

空花落尽洒倾缸，日上山融雪涨红；红焙浅瓯新火活，龙团小碾斗晴窗。——苏东坡《回文诗》

64.

夜扫寒英煮绿尘，松风入鼎更清新；月圆影落银河水，云脚香融玉树春。陆井有泉应近俗，陶家无酒未为贫；诗脾夺尽丰年瑞，分付蓬莱顶上人。——谢宗可《雪煎茶》

65.

静守黄庭不炼丹，因贫却得一身闲。自看火候蒸茶熟，野鹿衔筐送下山。
。——施渐《赠欧道士卖茶》

66.

洁性不可污，为饮涤尘烦；此物信灵味，本自出山原。聊因理郡余，率尔植荒园；喜随众草长，得与幽人言。——韦应物《喜园中茶生》

67.

百草逢春未敢花，御花葆蕾拾琼芽。武夷真是神仙境，已产灵芝又产茶。
。——林锡翁《咏贡茶》

68.

簇簇新英摘露光，小江园里火煎尝。吴僧漫说鸦山好，蜀叟休夸鸟嘴香。
。合座半瓯轻泛绿，开缄数片浅含黄。鹿门病家不归去，酒渴更知春味长。
。——郑谷《峡中尝茶》

69.

进茶例限四月一，三月寒犹刺人骨。旗枪未向雪中生，檄符已自州城出。
。——宫鸿历《新茶行》

70.

仙山灵雨湿行云，洗遍香肌粉未匀。明月来投玉川子，清风吹破武林春。
。要知冰雪心肠好，不是膏油首面新。戏作小诗君莫笑，从来佳茗似佳人。
。——苏东坡《次韵曹辅寄壑源试焙新茶》

71.

寒夜客来茶当酒，竹炉汤沸火初红；寻常一样窗前月，才有梅花便不同。
。——杜小山《寒食》

72.

州西陶老制茶垆，赤日行天雨伞舒。一至官场人送礼，陶垆名已传江湖。
。——康友祥《咏茶器》

73.

石碾轻飞瑟瑟尘，乳香烹出建溪春；世间绝品人难识，闲对茶经忆古人。
。——林逋《茶》

74.

茶饼嚼时香透齿，水沈烧处碧凝烟。纱窗避著犹慵起，极困新晴乍雨天。
。——李涛《春昼回文》

75.

雁山峰顶露芽鲜，合与龙湫水共煎；相国当年饶雅兴，愿从此处种茶田。
。——陈朝鄂《无题》

76.

昔在干淳抚蜀师，卖茶买马济时危。乡人啜茗同观画，解说前朝复有谁？
——虞集《马图》

77.

凤舞团团饼。恨分破，教孤令。金渠体静，只轮慢碾，玉尘光莹。汤响松风，早减了二分酒病。味浓香永。醉乡路，成佳境。恰如灯下，故人万里，归来对影。口不能言，心下快活自省。——黄庭坚《品令·茶词》

78.

不羨黄金罍，不羨白玉杯，不羨朝入省，不羨暮登台，千羨万羨西江水，曾向竟陵城下来。——陆羽《歌》

79.

采茶非采芽，远远上层崖。布叶春风暖，盈筐白日斜。旧知山寺路，时宿野人家。借问玉孙草，何时泛宛花。——皇甫冉《送陆鸿渐栖霞寺采茶》

80.却喜侍儿知试茗，扫将新雪及时烹。——曹雪芹《冬夜即事》

81.

时看蟹目溅，乍见鱼鳞起。声疑松带雨，饽恐生烟翠。——皮日休《煮

茶》

82.

戏作小诗君一笑，从来佳茗似佳人。——苏轼《次韵曹辅寄壑源试焙新茶》

83.

稽山新茗绿如烟，静挈都篮煮惠泉。未向人间杀风景，更持醪醑醉花前。
。——晏殊《煮茶》

84.

御茶园里春常早，辟谷年来喜独尝；笔阵战酣青叠甲，骚坛雄助录沉枪。
。波惊鱼眼听涛细，烟暖鸱罍坐月长；欲访踏歌云外客，注烹仙掌露华香。
。——邱云霄《蓝素轩遗茶谢之》

85.

山巅屋亦可称台，小坐偷闲试茗杯。拂面春风和且畅，言思管仲济时材。
。——乾隆《春风啜茗台》

86.

板桥人渡泉声，茅檐日午鸡鸣。莫嗔焙茶烟暗，却喜晒谷天晴。——张继《山家》

87.

多病逢迎少，闲居又一年。药看辰日合，茶过卯时煎。草长睛来地，虫
飞晚后天。此时幽梦远，不觉到山边。——张籍《夏日闲居》

88.

一饮涤昏寐，情来朗爽满天地。再饮清我神，忽如飞雨洒轻尘。三饮便
得道，何须苦心破烦恼。此物清高世莫知，世人饮酒多自欺。——皎然
《饮茶歌诮崔石使君》

89.

云液流甘漱石牙，润通锡麓树增华。汲来晓冷和山雨，饮处春香带涧花

。——高启《赋得惠山泉送客游越》

90.

麦粒收来品绝伦，葵花制出样争新。一杯永日醒双眼，草木英华信有神。
。——曾巩《尝新茶》

91.

一派遥从玉水分，暗来都洒历山尘。滋荣冬茹湿常早，润泽春茶味更真。
。已觉路傍行似鉴，最怜少际涌如轮。曾成齐鲁封疆会，况托娥英诧世人。
。——曾巩《趵突泉》

92.

竹下忘言对紫茶，全胜羽客醉流霞。尘心洗尽兴难尽，一树蝉声片影斜。
。——钱起《与赵莒茶宴》

93.

一枪茶，一旗茶。休献机心名利家，无眠为作差。无为茶，自然茶。天
赐休心与道家，无眠功行加。——马钰《长思仙。茶》

94.

湓江江口是奴家，郎若闲时来吃茶。黄土筑墙茅盖屋，门前一树紫荆花。
。——郑板桥《竹枝词》

95.

寒夜客来茶当酒，竹炉汤沸火初红。寻常一样窗前月，才有梅花便不同。
。——杜耒《寒夜》

96.

一抑重教又一扬，能从草质发花香。神奇共诧天工妙，易简无令物性伤。
。——朱升《茗理》

97.赌书消得泼茶香，当时只道是寻常。——纳兰性德《浣溪沙》

98.

红袖扶来聊促膝，龙团共破春温。高标终是绝尘氛。两厢留烛影，一水试泉痕。饮罢清风生两腋，余香齿颊犹存。离情凄咽更休论。银鞍和月载，金碾为谁分。——辛弃疾《临江仙试茶》

99.

伊轧篮舆不受催，湖南秋色更佳哉。青裙玉面初相识，九月茶花满路开。——陈与义《初识茶花》

100.

桑苎家传旧有经，弹琴喜傍武夷君。轻涛松下烹溪月，含露梅边煮岭云。醒睡功资宵判牖，清神雅助画论文。春雷催茁仙岩笋，雀尖龙团取次分。——陆廷灿《武夷茶》

本文链接：<https://duanjuziku.com/duanjuzi/m2b949kwe3.html>